



ՀԱՅԱՍՏԱՆԻ ՊԵՏԱԿԱՆ ԵՐԳԵՑԻԿ ԽՄԲԻ ԵԿԵՂԵՑԱԿԱՆ ՀԱՄԵՐԳԸ ՀՈԳԵՎՈՐ ՃԵՄԱՐԱՆՈՒՄ

Հայաստանի Պետական երգեցիկ խումբը մի քանի տասնյակ տարիների պատմություն ունի: Նա իր կատարողական բարձր արվեստով նվաճել է ոչ միայն Հայաստանի, այլև Սովետական Միության մյուս ուսանողիկաների երաժշտասեր հասարակության սերն ու հարգանքը:

Ղաթիժաղ դաշտերն ու արոտները, մեր զովասուն սարերն ու սաղարթախիտ անտառները, պայծառ ու ջինջ քաղաքներն ու գյուղերը:

Հայաստանի Պետական երգեցիկ խմբի ղեկավար պ. Ա. Տեր-Հովհաննիսյանը Մոսկվայից վերադառնալուց հետո ձևոնարկեց իր



Հայաստանի Պետական երգեցիկ խումբը

Այս տարի հունիսին Մոսկվայում հայկական արվեստի և գրականության տասնօրյակի օրերին հայ երգի և երաժշտության նվաճումները ցուցադրելու գործում, Հայաստանի Պետական երգեցիկ խումբը, պ. Արամ Տեր-Հովհաննիսյանի տաղանդավոր ղեկավարությամբ, կարողացավ հայ ժողովրդական երգի և երաժշտության հմայքով մի անգամ ևս թույլել Մոսկվայի հայ և օտար երաժշտասեր հասարակության հոգին, և երգի թևերով փոխադրել նրանց Հայաստանի գե-

նոր ծրագրի՝ ժողովրդական խմբերգների հետ նաև առաջին անգամ լինելով հայ եկեղեցական երգերի համերգային ներկայացման շնորհակալ աշխատանքների: Մեր ժողովրդական և եկեղեցական երաժշտությունը կապված են եղել իրար: Մեր եկեղեցական երգերի մեջ էլ հայ ժողովուրդը դրել է իր սիրտը, հավատը, ապագա լավագույն կյանքի իր երազը, իր վիշտը, իր բոլորը: Հայ ժողովրդական և հոգևոր երգերը բխում են նույն ակունքից՝ հայ ժողովուրդի սրտի

խորքից, հոգուց, ձգտումներից և հույսերից: Եւ այն ժողովուրդն է ստեղծագործել թե՛ մեր գեղջուկ երգերը և թե՛ մեր հոգևոր բանաստեղծության սրանցիկ նմուշները, որոնք իրենց գեղարվեստական բարձր արժեքով պատմափոր տեղ են զբաղում համաշխարհային կրոնական երաժշտության պատմության մեջ:

Երկար ամիսների տքնաշան և լարված աշխատանքներից հետո, պ. Ա. Տեր-Հովհաննիսյանին հաջողվեց Երևանի Հայկական ֆիլհարմոնիայի համերգային փոքր դահլիճում տալ առաջին եկեղեցական համերգը, որն արժանացավ ջերմ ընդունելության երաժշտասեր հասարակության կողմից:

Նորիմ Ս. Օժոթյուն Վեհափառ Հայրապետի հրավերով և նախագահությամբ, Հայաստանի Պետական երգեցիկ խումբը, նոյեմբերի 15-ին, ելույթ ունեցավ այս անգամ Ս. Էջմիածնի Հոգևոր Ճեմարանի դահլիճում Մայր Աթոռի միաբանության, Ճեմարանի դասախոսական կազմի, ուսանողության և վանքի պաշտոնեական համար:

Երգեցիկ խումբը պ. Ա. Տեր-Հովհաննիսյանի ղեկավարությամբ համերգի առաջին մասում կատարեց ժողովրդական երգեր անմահ Կոմիտաս վարդապետի և Կարա-Մուրզայի երաժշտական ստեղծագործություններից: Երգեցիկ խումբը մեծ հաջողությամբ կատարեց Կոմիտաս վարդապետի «Կուժն

առա» և «Քնա, դնա», «Մարերի վրով դնաց» և «Էս գիշեր լուսը տեսա», «Փեսին դուլքը», «Անշուշ Թինգույր մտար», «Գութանի երգը» ստեղծագործությունները, իսկ Կարա-Մուրզայի «Անպո լեյլ», «Զինը ու գինը տամ», «Ալադյազ» երգերը:

Համերգի երկրորդ մասում, խմբերգային արվեստի վարպետ պ. Արամ Տեր-Հովհաննիսյանի նոր մեկնարանությամբ, Հայաստանի Պետական երգեցիկ խումբը դահլիճում հնչեցրեց, լինճ ու հանդիսավոր, հայ եկեղեցական երաժշտության հիասքանչ նմուշները՝ մեծ երաժիշտ Մակար Նկմալյանի «Հայր մեր», «Գովհա Երուսաղէմ», «Յամենայնի», «Եշխանութիւնք» և «Սուրբ, Սուրբ», «Միայն Սուրբ» և «Ամեն: Հայր Սուրբ», և ապա Կոմիտաս վարդապետի «Ո՛վ զարմանալի» և «Այսօր ձայնն հայրական», «Տէր, ողորմեա» և «Հայր մեր» հոգևոր ստեղծագործությունները:

Համերգի տպավորությունը ավելի քան խանդավառ էր, ողևորիչ, հոգեկան բավարարության զգացմունքով հաղեցած:

Համերգի վերջում Վեհափառ Հայրապետը շնորհակալություն հայտնեց Պետական երգեցիկ խմբին, օրհնեց խմբի անդամներին, ղեկավարին, և բոլորին մաղթեց նորանոր հաջողություններ հայ երգի և երաժշտության բարձրացման բնագավառում:

ՀՈՎՀԱՆՆԵՍ ՔԱՀԱՆԱ ՄԱՐՈՒՔՅԱՆ

